

天一閣藏明代方志選刊續編

嘉靖通許縣志（河南）
嘉靖太康縣志（河南）
嘉靖陽武縣志（河南）
嘉靖沈丘縣志（河南）

天一閣藏明代方志選刊續編 五

上海書店

通許縣志序

夫國有志尚矣九丘之載無考焉禹貢
職方載而不備斯王府之藏非列國之
籍也秦兼天下圖籍盡歸咸陽蕭何入
關獨先收此故漢祖按圖調發咸得其
宜五載之中遂定天下志豈小補云乎

哉我

國家之建制也朝廷有一統之志方隅
有郡縣之志亦王府列國之制云其別
浮摭實考覈讎較史之太義存焉通許
之舊志久而湮滅邑人韓玉纂集未成
淹洊捐逝乃今陳侯興去籍之嘆勤起

墜之心禮聘邑望以襄厥事以致仕州
太守張君公薦守制府二守劉君醇叔
館穀謁臺續膏代役五越月而告成焉
夫仰觀俯察揭星分野麗光於上覆冒
於下述天文志第一丘陵川澤高深險
阻通氣蒸雲域民作輔述山川志第二

利建五服維屏維翰親疎異等小大殊
貫述封域志第三王公設險有孚則父
捍外衛內金湯斯守述城池志第四地
道變盈陵谷易遷制因代異政以人宣
述沿革志第五負版者式牧羊者良滋
息則褒流曰怠荒述戶口志第六安上

治民移風易俗陰以持盈陽以發育述
禮樂志第七任土作貢則壤成賦輸納
有經寬嚴有度述食貨志第八選錢留
犢前史美稱作頌興謠代有令名述宦
蹟志第九地靈人傑化行俗美聞風則
興成章則斐述人物志第十天地正氣

磅礴布流浩然之體何物不由述忠節
志第十一明揚側陋辟召鄉閭文學孝
廉各有攸宜述選舉志第十二寵緣績
着位以才充殊錫異數有沾即榮述恩
典志第十三斷碑增慕遺樹興思吊之
則嘯仰之則祠述古蹟志第十四五氣

錯綜常變靡一禎祥妖孽應物而出述
祥異志第十五孔徵文獻班序藝文言
之不文何以永存述詞翰志第十六斯
志也自天文至詞翰蓋十六則云考覈
精當約省要實事類者附義乖者黜不
有史才何以臻茲夫志也其在於今更

切要乎醜虜猖狂中華震驚公私調遣
憂匱告窮取其志而觀之則兵食之多
寡豐嗇山川之平夷險阻一覽在目守
戰之備愛養之方可以坐策矣豈曰小
補云乎哉陳侯陝西之富平人名正字
宗儒別號北泉鄉進士也方正不阿廉

公有威監司者已薦之廟堂矣力成斯
志以補時政之缺云

嘉靖二十二年歲次癸卯正月上澣

賜進士出身承德郎南京工部主事王屋

山人李枝撰

山人李汝璈

明進士出身海縣知縣南京工部主事王星

嘉靖二十二年歲次癸卯五月壬子

志序辭報知縣之姓云

通許縣志序終

通許縣志目錄

天文

山川

封域

城池

沿革

戶口

里甲役法附

禮樂

食貨

土產民禁附

宦蹟

人物

風俗附

忠節

選舉

恩典

古蹟

祥異

詞翰

通許縣志目錄終

通許縣境之圖

鮮美

高玉潤

殊尚

翠

石陶

圖

梨園

山體戶

七里渡



偶因

美

馬

講院

鄧家園

五步

萬氏

通許

陳徵和



三里岡

不營圖

長生堂

沈公

黄河故道

附錄



和

青

東成

樊子固

不

琴

煉城



王道店

巴陵

張

所出

平

